

1915

1915
მუსკოვით
ახალი

1915 წ. იანვარი

იუმორის გ. უკრნალი




პუშკინი პალორასი




№ 9

თა. ტინჯ. ქარ. ამხ.



იგი ჩანგური აღარას მარგებს
უწინ რომ ნაზად დიკენესებდა,
ხან შეიკებდა მიჯნურს, ხან ვარღებს
და შემდეგ მუდროდ განისვენებდა.
ჩემს სულს სწუერიან ბრძოლა შედგარე
დაუნდობელი შურის ძიება;
მკლავდენენ ვერ ვუძღვნი საძაგერო?
ქაროველს არიდეს ეპატიება!



ტინჯ. ქ. გ. ამ.

მომავლის ისტორიიდან.

1915 წლის დამლევს ომში ჩაერია ევროპის დანარჩენი სახელმწიფოებიც: საბერძნეთიდან დაწყებული ვიდრე შვეიცია-ნორვეგიამდე.

1916 წელს ჩინეთმაც აისხა იარაღი და ბრძოლის ველზე გამოვიდა; წლის ბოლოს კი უკვე მთელი აზია იბრძოდა. ჩრდილო ამერიკის შეერთებული შტატები 1917 წელს ეკვეთა მტერს და თან საზღვრეთი ამერიკაც გაიყოლია.

1918 წელს მთელ დედამიწის ზურგს სისხლის ოშვიარი ასლიოდა და არ იყო ისეთი კაცთა ტომი, რომ ომში არ ჩარეულიყო.

მთელი კაცობრიობა ჟღერტისა და სისხლის ღვრის წყურვილმა აიტანა, მშვიდობიანობა შორეულ წარსულის მოგონებას-და წარმოადგენდა და ომიანობა წესიერ მდგომარეობათ იქნა აღიარებული.

ვინაიდან თითოეულ წლის განმავლობაში 20 მილიონი ვაჟკაცი იხოცებოდა და სახიჩრდებოდა, 1930 წლის დამდგომს ბრძოლის ველზე 14 წლის ქაბუკები და 60—65 წლის მოხუკებიც გაიყვანეს.

ბრძოლის ველზე დაიხოცა ყველა პროფესორი, მეცნიერი, ტენიკოსი და მწერალი, განადგურდა და დანგრეულ იქმნა უნივერსიტეტები, ლაბორატორიები, ქარხნები და სახელოსნოები, მოისპო მანქანები და სამეცნიერო იარაღები, გადაიწვა ბიბლიოთეკები და მუზეუმები და კაცობრიობის გონებისა და ნიქის ნაყოფი გადაიარეცხა დედამიწის ზურგიდან.

ელვის სისწრაფით მიჰქროდა კაცობრიობის ცხოვრება უკან, თავის ისტორიულ აკვანისაკენ და 20—25 წლის განმავლობაში სწორეთ ის გზა გაიარა თავის წარსულისაკენ, რის გაკეთებასაც წინეთ რაზდენივე საუკუნე მოანდომა.

რაკი თოფ-ზარბანები, ტყვია-წამალი და სხვა გაუმჯობესებული სიამარი იარაღები გამოილია, ახლის გამკეთებელი კი არაზინ იყო, ისევე შვილდისარსა და შურდულს დაუბრუნდა.

არა თუ აერობლანები მოისპო, რკინის გზებისა და ორთქლის გემების ხსენებაც აღარ იყო. აღამიანები ნადირის ტყავით იმოსებოდენ და უმეტესათ ტყეებში იყვენ გახიზნული.

წერა-კითხვის სპირობა გაჰქრა და საუკუნოებით შეკრებილი და გადმოცემული ცოდნა ამოიშალა კაცთა გონებაში.

1940-იან წლებში ომის ქინმა ცბრომა დაი-

წყო და აქა იქ ზავი ჩამოვარდა. ომიანობა რომ შეწყდა და მშვიდობიანობამ ფეხი მოიმაგრა, მთელი კაცობრიობის რიცხვი იმის მეხუთედს და შედგენდა, რაც ომის დაწყებამდე იყო. $\frac{3}{5}$ კაცობრიობა მოისპო: უმეტესობა ომმა იმსხვერპლა, დანარჩენი კი შიმშილმა და სხვა-და-სხვა სენმა.

კაცობრიობის ეს ნაბოლვარა ასე განიყოფებოდა: თითო მამაკაცზე 4 დედაკაცი მოლიოდა.

ვინაიდან ქალთა ესოდენი სიჭარბე იყო და ვაჟების უმეტესობას ბაღლები და ომში დასახიჩრებული კაცები შეადგენდენ, საერთო ცხოვრების მართვა-გამგეობაში და შინაურ ყოფაშიაც უზირატესობა დედაკაცებმა ჩაიგდეს ხელში და ქვეყნიერობა კვლავ უძველეს დროის მატრიარხატულს, ანუ ქალთა ბატონობის ხანას დაუბრუნდა.

დედაკაცთა პირველობას ის უწყობდა ხელს, რომ ხანგრძლივი ომიანობის დროს, უმამაკაციობის გამო, მთელს შინაურ ცხოვრებას, მეურნეობას და სხვა სამუშაოს ესენი უძღვებოდენ. ამან გაწერთნა და ისე მოალონიერა დედაკაცი, რომ გადარჩენილი მამაკაცები ფიზიკურათაც ვეღარ უსწორდებოდენ მათ.

ახლომ მდგომარეობამ ახალი ფსიხოლოგია შეჰქმნა. დედაკაცების ბუნება ძირითადათ შეიცვალა: ჩვენი დროის მამაკაცების სიყოჩაღე, გამბედაობა, დამოუკიდებლობა და შრომის ამტანობა შეუმუშავდა მათ. მამაკაცები კი, პირიქით, უწინდელ დედაკაცებივით ნაზი, მორცხვი, სუსტი და უმწეო შეიქნენ.

შესდგა ამორძალთა მხედრობანი და გაჩნდა რაინდობის კულტი, ხოლო რაინდების როლს ახლო დედაკაცები ასრულებდენ, მათი აღმაფროთოვანებელი საგანი კი მამაკაცები იყვენ.

მეოცე საუკუნის მიწურულში განვლილ ომიანობის მომსწრეები აღარ მოიპოვებოდა და მათთან ერთად გაჰქრა მოგონებაც უწინდელ კულტურისა და გონებრივი სიმაღლისა.

ამ მოგონებასთან ერთად საბოლოოთ გაწყდა კავშირი წარსულთან და კაცობრიობამ თავისუფლათ ამოისუნთქა: გონებრივი მუშაობა, სწავლავანათლებლისთვის ზრუნვა, წერა-კითხვის ცოდნაც კი ახლო არავითარ ღირებულებას არ წარმოადგენდა და აღამიანის ცხოვრების შინაარსი მხოლოდ არსებობისთვის პირველყოფილ ბრძოლითა ბუნებასთან ფიზიკური ბრძოლით განისაზღვრებოდა.

ამისდაგვართაც ოცდამეერთე საუკუნის დასაწყისში კაცობრიობის ყოფა-ცხოვრება დაახლოვებოთ

შემდეგი იყო: ცხოვრობდენ უმეტეს ნაწილათ ტყეებში და გამოქვაბულებში, იკვებებოდენ ნანახ-ლირვით, ნედლი ხილეულითა და ბოსტნეულით და მთელი მათი დრო და შრომა ბუნებასთან და ურთიერთ შორის ბრძოლას უნდებოდა...

დიდხანს ვასტანა დედაკაცთა ბატონობის ხანამ და ამ ეპოქის განმავლობაში არავითარი წინსვლა კაცობრიობას არ დასტყობია, ვინაიდან დედაკაცი, ისტორიულ პირობების გამო, მოკლებული იყო შემოქმედებითი მუშაობის უნარს. ის კი არა, კიდევ უფრო დაიხია ადამიანთა მოდგმის ყოფა-ცხოვრებამ და კვლავ დამკვიდრდა კანნიბალიზმის, ესე იგი კაცობრიობის ხანა უა გამოქვაბულებში ბინადრობის პერიოდი.

როცა მატრიარხატის ხანამ განვლო და ცხოვრების სადავე ისევ მამაკაცებმა ჩაიგდეს ხელში, ძლივს ოდნავ გაუმჯობესდა მდგომარეობა, ვინაიდან ქვის იარაღების გაკეთება მოახერხეს და ამით ცოტათი მაინც ვაადვილეს ბუნებასთან ბრძოლის პირობები.

ქვის პერიოდს ბრინჯაოსა და რკინის პერიოდი მოჰყვა და შემდეგ კაცობრიობის ცხოვრება იმავე გზითა და თანდათანობით წავიდა წინ, როგორც წარსულის ისტორიით ვიცით...

თავუნა.



დეპეშები.

სუმბათოვო. ადგილობრივ ბაზარზე სანოვაგის ფასმა საგრძნობლათ დაიწია: გირვანქა ხორცი ამ ჟამათ 4 მან. ფასობს, ნიახური ხაშურიდან ჩამოტანილი კონა 1 მან. 60 კ., ქინძა ბორჯომიდან ჩამოტანილი—1 მ. 30 კ. შაქარი არ იშოვება, დანარჩენი სანოვაგე თბილისის მაზანდაზე იყიდება.

უცნობი.

მარტყოფი. ადგილობრივი საფერშლო პუნქტის ფერშალი იოსებ თუშმალიშვილი—„დოხტურ იოსებად“ ცნობილი, რომელიც ამ ერთი თვის წინად დაგვეკარგა, სრული ცხრა დღის ძებნის და თქვენ პატივცემულ „მათარახში“ გამოცხადების შემ-

დეგ, როგორც იქნა ვიბოვეთ. განუსაზღვრელი იყო სიხარული და აღტაცება, მაგრამ ვაი, რომ ეს ჩვენი ბედნიერება მეტად ხან-მოკლე გამოდგა; შაბათს, 20 ივნისს, დრო იხელთა და კვლავ გაგვეპარა. დღეს უკვე 25 ივნისია, და ჯერაც არ დაბრუნებულა... ვაი ჩვენს უბედო ბედის წყრომას... რა გვეშველება...

„დოხტურის“ უგზო-უკვლოდ დაკარგვით დამწუხრებელი და გულ დამწვარი
ლუსკა ჟუჟუნელი.

სოფ. ქვალონი. ბიბლიოთეკა-სამკითხველო მოულოდნელად ავათ გახდა. წამლობს ფერშალი ევ. ბაქრაძე.

ახალ-სენაკი. დამის 9 საათზე პოლიციამ ალყა შემოარტყა პ. დგებუაძის წიგნის მაღაზიას. ჩხრეკამ დამის 12 საათამდე გასტანა. აღმოაჩინეს აუარებელი: აფიშები, რვეულები და მთავრობის მიერ აღკრძალული წიგნები (სახელდობრ: ეფ. მაკალათიას ლექსთა კრებული და არსენას ლექსი). ესენი ყველა პოლიციამ წაიღო. მაღაზია დაკეტეს, თვით დგებუაძე დატუსაღებულია.

პროვინციელი ჭინკა.

გურული სცენა

ქორწილი.

იტყვიან ერთი ცხვარი, რომ გადავარდება წყალში, ყველა ქე გადაყობა მისი—გურულებიც ასე შობა. წიფესო ერთი ქორწილს და ყველაი აპირებს წიფესოს. სხვა დროს კიდევ ხო, ქორწილი თუ ხარჯს არ დაუფარავდა ქე მაინც ერთს შენს მოყვრებს ნახავდი, ერთს გაძღებოდი, ერთს წვიქეიფებდი, მარა სა უნდა გავაჰყიროთ თვალი, ახლა რომ ქორწილს ვიხდით? ვინაა ახლა ქეიფის გუნებაზე, ან ვის აქვს ახლა მისალოცავი ფული. ყოლიკაცი მშიერია, ყოლიკაცი მტირალია, ყოლიკაცს შავი აცვა და ამ დროს ადგება ვინცა ტვინ ნანჯაყვები, გაატატაშებს ენას, გააქრელებს წერილს ქორწილი მაქ (იმ ციციას შარშანის წინ, რომ გავათხუე და ორი კვიცი ყავსო) და „მობრძანებითა შენითა განამხიარულე ჩემი ოჯახიო!“ ისე გამოხიარულდა მტერის ცოლი და შვილი რავაც მე ვარ ახლა მხიარული. როის ვინ დამწვავს რა

ვიცი, როის ვისი ტყვე ვიქნები არ ვიცი, რა დღეს რომელი ბაღანას სიკვტილს შემიცხადიებენ არ ვიცი, ქალ-ბაღანას სული რეთი ჩულებურო იგი არ ვიცი და ქორწილში მეწვიეთ. ამფერ კაცს, დასტურ თუ მისი მოყვარე ხარ, კი უნდა ეწვიო, მარა საქორწილო ვატენილი ფიშტოით კი არა, კაი სახორცებელი ბაწრით, კარგა მაგრა უნდა შეკოქო და მიგვარო თოხაძეს, რომ დააბას და გადარეულის წამალი ასვას. მე ჩემი მოკლე ქკუით ასე მითქვამს, რომ ახლა ვინც ქორწილს შობა იგიც დასაბამია და ვინც მას ეწვევა იგიც. ქორწილი, ცეკვა, თამაში, სიმღერა და ქეთივი მაშინაა კაი როიცხა ამის ხასიათზე ხარ თვარა ცალი ყბით ქეთივი ვის გუუგონია. ბაღნებს პირში სული ამოვწვადო, იგინის საქმელი ღუქმა შენ მოგიტანო და ავია ქკლა!? ნეტა მაინც შენ წაგადგებოდეს ჩემი ბაღნების ნაცოდვაი, იგიც ვაქარს უნდა მიუტანო და ამიზა მცალია მე ახლა? ვერ მოგართვი პატრუქანი. საუკუნოთ რომ დაღეკარგო სამტრო სასიცოცხლოთ რომ გადამეკიდო ახლა ქორწილში არ გეწვევი და ტირილში კი ხეფსი რომ არ ამადებო მაინც არ დაგაკლტები. იგიც კი ვიცი აი ტირილი ღმერთმა, რომ ავაშოროს იმ კაცის ყუმბარა მაინც არ ავაშორებს.

პიგნა.



მოსსენება

ღიღი ჯიხიში. (მიბაძვა ილიას).

ჩვენისთანა ბედნიერი,
 განა არის, სადმე ერი?
 მისთვის ძუნწი, სხვისთვის უხვი,
 მორჩილი და კუქ მშვიერი.
 ყრილობაზე ყველა მუნჯი
 თავ-მოხრილი, მადლიერი,
 მუდამ შრომა, მუდამ ჯაფა,
 და ცოლშვილი შინ მშვიერი.

ჩვენისთანა ბედნიერი,
 განა არის სადმე ერი?
 სტარშინა გვყავს მიკიტანი,
 მიკიტანი — სუდიები,
 მწერალი კი მეწერილმანე
 მოვაქტე და მანკიერი.
 ამისთანა ბედნიერი,
 ვინმე არის სადმე ერი?
 წამო ბოქო ტარშინასთან
 ბოთლებია — ცარიელი,
 სუდიებს ნუ მოვიმღურებთ,
 ყველა გვყავდეს მადრიელი.
 დუქანია, სავაქროა,
 ვერ მიხვალ ხელ ცარიელი,
 ბედიც იმას გაუღიმებს,
 ვინც ღვინით, გყავს მადლიერი.
 ჩვენისთანა ბედნიერი
 კიდევ არის სადმე ერი?
 გთხოვთ ეშმაკო, გამოგზავნოთ,
 აქ მათრახი განიერი.

კიკოლა ბიჭი.

კახეთიდან. (ძველი გავაზი).

„ახალ მათრახის“ მეცხრე ნომერში
 რეგვენთ ვურჩევდი მორჯულებსა!..
 და დროს ვაძლოვდი... (მივეც ნუგეში,
 რომ არ მივსცემდი დავიწყებასა).
 აი, ვასრულებ ნანაპირებსა
 დი მოვასხენებ ჩვენსა სარდალსა,
 რომ გულზე მოხვდათ ცნობილ პირებსა..
 შორს გაურბიან ჩვენს სამართალსა!
 გაბრაზებული იმუქრებოდენ,
 შემოგვითვალეს ლანძღვა-გინება,
 გაფაციცებით დამწერს ეძებდენ,
 (სჩანს მოეწონათ ჩვენი მხილება?)
 გვაქვს მიღებული მხედველობაში,
 თავს რად იწუხებს „მიხაკ-ელია“?!
 ვინც გაებმება ეშმაკის მახეს,
 ყველა დარჩება მადლობელია!
 „ამირბევინაც-კატარინესა“
 მაღა ქანქარის გაპლვიძებია...
 ერთს შელოცვაში მანეთსა იღებს,
 (მათრახის კულის საბოძებია).
 ჭვალსა, დამწვარსა, თვალის ტკივილსა,
 რო შეულოცავს... ემექნილია!
 ქია მორეულს, გულისა ხივილს,
 ასე ამბობენ — მოაუგრილია!

მუწუკ-იარის გამოსარჩენათ
 „ანო“ მოითხვოს ბატსა და იხვსა...
 ხორცს თვით მიირთმევს და მხოლოდ წვენით
 მალამოს აძლევს ჩვენებურ ბრიყვსა.
 „ელიამ“ გვამცნო: „კახიძეებსა“
 შეუსწავლიათ მისგან ნაშუსი...
 „კოლა კრუხობიჩს“ და „ლომიძეებსა“
 ცოცხლათ უყლაპავთ ქართველი-რუსის
 შაბიამანი (შარშან მოსული)
 ნასყიდი ჰქონდათ ფუთი თუმანში...
 სარდაფში იყო გადაძალული,
 ეხლა ჰყიდიან ფუთს სამ თუმანში.
 „გველოს“ და „ჯიშოს“ გაუწყრათ ღმერთი!
 შაქარს გვაძლევინ — ორ აბაზათა,
 (მოთხარ, ვირივლათ რომელი ერთი?!)
 ნავთსაც — გირვანქას სამ შაურათა.
 „მიხაკ-გეტურქა“ მუღამ ღზინშია...
 ფასი ასწიეს ფარჩეულზედა;
 მიტრამ ჩაცვივდით გისაქირშია...
 ლამის დავიხრჩოთ, გავსკდეთ გულზედა!
 აჩრდილი.

ნაძალადევი. ჯოჯოხეთის მფლობელი ეშმაკო! მაქვს პატივი გაუწყოთ: ჩემს რაიონში სრული სიწყნარება. ნარდ-დომინოს თამაში ქუჩებში მოისპო, მხოლოდ კარტის ოპერაცია გრძელდება სახლებში ღამის სამ საათამდე. რადგან პური თან და თან ძვირდება აქაურ მეპურეებს განუზრახავთ წონაში ხელი დაახმარონ, იქნებ ამით იხსნან საზოგადოება მოსალოდნელ შიმშილისაგან. ქუჩებში ნავებით მკვარობა თითქმის მოისპო. ისეთი დარები რომ დაეჭიროს მოსალოდნელი იყო ჩერქეზოვის სრუტეში გერმანიის წყალქვეშა ნავებს ეჩინათ თავი. სამკითხველო ავით არის. ამ დღეებში გაუჟკეთებენ ოპერაციას. ვაჭრები ამზობენ: ქრისტემ ბრძანა ორი პერანგი რომ გვეცვას ერთი სხვას მიეცოთ. აქაურ მცხოვრებს ოთხი პერანგი აცვია — პალტო, ტუჭურკა, ხალათი და ღამის პერანგი, ორი უკვე გავხადეთ, ორსაც რომ გავაძრობთ მაშინ იქნება ქრისტეს მცნება შესრულებულიო.

შანთი.

სოფ. მარტყოფი. (თბილისის მარა). წასულ კვირას აქ ერთი მეტათ სენსაკიური ამბავი მოხდა: როდესაც ახალგაზრდა ინტელიგენტთა ერთი ჯგუფი, სამკითხველოს წინ შეკრებილი, ჩველებრივად უსაქმოდ ლაყობდა, ვიღაც ოხუნჯმა შემთხვევით

ისარგებლა, ერთ მათგანს ქუდი მოსტაცა და სამკითხველოში შეუღო. მყისვე შეიკრიბა მთელი მარტყოფის ინტელიგენცია და დაიწყეს ბქობა იპის შესახებ, თუ როგორ დაიხსნან ქუდი. ბევრი თავის ხეთქისა და რჩევა-დარიგების შემდეგ, გადასწყვიტეს, იხელმძღვანელონ სტრატეგიული მოსაზრებით და ქუდი სამკითხველოდან არ გამოიტანონ, ხოლო, რომ შემდეგშიც არ გამოვრდეს ამისთანა ამაღლებელი და შემადრწუნებელი ამბავი, სამკითხველოს სრულიად არ გაეკარონ სიახლოვეს. ეს დადგენილება დიდის აღტაცებით და „გვას“ ძახილით მიღებულ იქნა ერთხმად.

ჯიუტიტო.

სამეგრელოდან. ბიძია ეშმაკო! ნუ იტყვი ვითომ ჩვენ არ გვეყავდეს სასწულო-მოქმედი. რაკი ტყემალი ჩვენში ერთობ გამოილია, რომელიც მეგრელებს სიმინდის, ღომის გამოგერობას უწყევდა, ბ-ნ გ. ქ-რამქმ გამოიგონა, ან უკეთ ესთქვათ აღმოაჩინა ერთ ნაირი საკვები რომელიც ფუთი 1 მ. 3 კ. ფასობს. მთელ ოჯახს ერთ თვეს ყოფნის ფუთი, თუ გინდ 12 სულიც იყოს ოჯახში. მეგრელებმა მას სახელად სიმინდი დაარქვეს. (ალბათ ჩვეულებრივ სიმინდის მეტი სიყვარულით) როგორც ზრგდიდიდან მეცნიერი ექ. დგებუაძე, სენაკიდან ხოფერია და ქუთაისიდან ექ. ბაღრიძე ამტკიცებენ, საერთოდ აღებული ამ საკვებისა რამოდენიმე ნაწილი ვითომ სიმინდსა ჰვავს, ნაწილი ქვასა და ზოკიერთ ნაწილის სახელი ჯერაც საიდუმლოებითაა მოცული. ამიერიდან მეგრელებს თამამთ შეუძლიან იამაყონ ბ-ნ გ. ქ-ით. ამ შესანიშნავ პირობების შესახებ საჭიროა ხმა ამოიღოს ექ. ივ. გომარათელმა, როგორც ექიმმა და თანაც კრიტიკოსმა.

პროვინციელი ჭინკა.

სოფ. შილდა. (კახეთი).

მაქვს პატივი მოგახსენოთ --
 ჩვენი შილდა ღამაზია!..
 მასებრ კობტას ვერსად ჰპოვებთ,
 გინდ მოიპროთ აზია.
 განაპირა ბილიკ-გზები
 გამშვნიერებულია...
 ყოველ ფეხის გადადგამზე
 ტლაპო*) დაგუბებულია.

* ტლაპო განზღავთ მშვენივრათ გათქვეფილი სქელი ტლაპი, (სურნელგანი ნივთიერებით შეზავებული) რაშიც ადგილობრივი დასიკული ღორები, არჩენიან ბანაობენ.

სიბნელე და უმეცრება
 ხალხში გავრცელებულია,
 მკითხავი და ცრუ ექიმი
 მითი გამდიდრებულია.
 მამა-პაპის ადათ-წესი
 ჩვენში მტკიცეთ დაცულია,
 თეთრ გიორგში სალოცავათ
 ხალხი შრავლათ გასულია.
 მკითხავებს ჩაგონებით
 ყველა დარწმუნებულია:
 ხატი შველის ავათმყოფსა,
 საწირავ მოვლებულია.
 ხატებმაც თუ ვერ გვიშველეს
 არ გაგვიტყუდება გულია,
 საექიმო ასპარესზედ
 „სამსონიკა“ ქებულია!..
 მის წამლები არვის გვაწყენს,
 ტკბილათ შეზავებულია;
 სამასალოთ მურაბები
 „ნუშკოს“ გაკეთებულია
 ქალთა სნეულობისათვის
 ეს ვარგისი მკურნალია...
 ნახარშ გვირილისა წვენი
 გვიარინი წამალია!

აქ კულტურა ძლიერ ყვავის,
 ბერი განათლებულია!..
 და რუსული ლაპარაკით
 თავი გაბრუებულია!
 სამკითხველი (კარიელი)
 სულ ყოველ დღეს გახსნილია,
 ხოლო, ცხვირ წინ მოედანი
 „დამ-კავალრიო“ გავსილია.

აჩრდილი.

სოფ. ჭავანი. საკითხი აღიძრა:
 — ქელები მოვსპოთო,
 მით შა-ბედ ცხოვრებას
 მალამო მოვსცხოთო.
 რა ეს გაიგონეს
 ამხედრდენ ლოთები,
 ბახუსის მოძმენი
 და პატრიოტები.
 ეკვეთენ მშრომელ-ჯგუფს,
 ჰქმნეს აყალ-მაყალი, —
 ვნახოთ ვის შერჩება
 ხელთ პრასა დამპალი.

ჭავანელი ბზიკი.

სამეგრელოს გმირს.

იცნობს მთელი სამეგრელო,
 ტანს აცვია ანაფორა,
 დღე და ღამე „საქმინობს“,
 არ გვეგონონ მუქთა-ხორა.
 ცალ ხელში აქვს სახარება
 მეორეში სიბრძნის თორა,
 ცის და მიწის კანონები
 ჯიბის კანონს გაუსწორა.

—
 გამგე ვახლავს ერთი სკოლის
 პედაგოგი ჯვაროსანი,
 ყოველ დარგში უბადლოა
 კურთხეული ხელოსანი.
 ეპარქიის საბჭოს წევრებს
 მისი შიში აფრთხობს ძველი,
 რადგან იგი არვის იწდობს,
 ყველას უზამავს როგორც გველი.
 თანამშრომელ მასწავლებლებს
 აღარ აგდებს თითქმის ჩირად,
 რადგან, ურჩებს, თავის ნებით
 ქე აძევებს ხოლმე ხშირად.


უჩი.

ს.ს. ლანიჩ-ჭავანის ბაზარი.

ლანიჩ-ჭავანის ბაზარსა,
 (არც ცოცხალსა, არც მკვდარსა)
 ბლომათა ჰყავს ბატონი
 და არავინ პატრონი.
 ვიდის შეიდი წელია;
 (უსარგებლო მწველია)
 ბაზარი არ იზრდება,
 ვაქრობა კი მცირდება.

იფუქება ღუქნები,
 (შიგ ვაქრები მსუქნები)
 ცრემლებათა დნებიან
 უნუგეშოთ კვდებიან,
 ბაზრის მეთაურებმა
 (წკეპლით შესახურებმა)
 ხალხს გააძვრეს ტყავები,
 (თვით გასუქდენ სვავები).

ჭავანელი ბზიკი.



პატარა ფელეტონი.

ძ მ მ ბ ი.

(იგავი)

„Что дѣломъ, не сведя конца,
Не надобно хвалиться“.

კრილოვი.

სამი ძმა იყო. სამივეს
სიმწრისა ოფლი სდიოდათ,
დიდ ქამას იყენენ ჩვეულნი—
ვერ მიდიოდენ იოლათ!

მათი ოჯახი გაფტქვილი
უფინდიკო და ფუტურა,
არ იქნა მათმა ოფლის ღვრამ
სავსებით ვერ დააპურა...

დიდი შრომითა, წვალებით
ებრძოდენ დუხჭირ ცხოვრებას,
ერთმანეთს ნდობით შესცქერდენ
ფიქრობდნენ გამოსწორებას.

ერთ მათგანს ერქვა არჩილი
მეორე—იაკობია,
მესამეს კიდეც დავითი—
(უნცროსი, ხელ-შემწყობია).

ყველა ერთპირათ საქმობდენ
არ ჩანდა უთანხმოება,
მაგრამ ეს იყო ცოტა-ხანს
შემდეგ იცვალა დროება:

არჩილმა აღარ ინდობა
თვის ძმებთან მოღვაწეობა,
ჯერ იაკობი იფრინა—
მერე დავითის მზეობა!

იფიქრა: „ძმებთან ერთობით
საქმეს ვერ მოვაგვარებო,
მარტო დავრჩები ოჯახში
და წეს-რიგს დავამყარებო“.

მან მიჰყო ხელი ფართიფურთს
შრომობდა დღით და ღამითა,
მაგრამ თანდათან ჩამოხმა
კუქს ვერ იძლოდა ქამითა!

მეზობლებს გადაეკიდა—
სწამლავდა გესლით, შხამითა,
თან ყოყორობდა ძმებთ შორის
თავი მოქონდა ამითა:

„ხმა ხედავთ, როგორა ვიბრძვი
ოჯახის დასაცველათო,
ჩემი ასეთი გმირობა
არვის უნახავს ძველათო!“

როცა ჩვენ ერთათ ვიყავით
ურთ-ერთის მისაშველათო,
მტრებს ჩვენკენ თვალი ეჭირათ
დასამხობ-დასაქცევლათო...

ესლა-კი ხმას არ იღებენ
ნაკლებათა მყავს მტერიო,
ერთი სჯობია გულადი
ვინემ ლაჩარნი ბევრიო“!..

და ასე, ყველა ცალ-ცალკე
საქმობდენ ღვიძლი ძმებია,
არც ერთს „უინდიკა“ არ ჰქონდათ—
ქამა-სმა შესარგებია!

ბოლოს ერთმანეთს ჩაკორტნეს
მთლათ აერიათ გზებია,
(იგავი ესე ნამდვილი
ადვილათ ვასაგებია)!..

ალბურონი.

სასტიკი მსჯავრი.

(ანეგდოტი)

რუსი, ფრანგი, ინგლისელი და ებრაელი შე-
ნაკრებენ.

უნდა გადაეწყვიტათ შემდეგი საკითხი: როგორ
დაისაჯოს იმპერატორი ვილჰელმი, გერმანია რომ
დამარცხდება და კაიზერი ტყვეთ ჩავვივარდებო.

რუსმა სთქვა: ყველას აჯობებს, საუკუნო კა-
ტარლა მიუსაჯოთ და სახალინზე გავგზავნოთ სას-
ჯელის მოსახელლათო.

— ეგ არ ვარგაო, განაცხადა ფრანგმა: ისევ
ჩვენი ქალაქების გამანადგურებელ ცეპელინი და-
ვანწყვდიოთ და ჰაერში გაუშვათ: დეე ინტიალოს ცის
სივრცეში, ვდრე შიმშილით სული ამოხდებოდესო.


— არაო, ჩაერია ინგლისელი: ჩავსვათ წყალ-
ქვეშა ნავში, დავკეტოთ და ზღვის უფსკრულში
ჩავანარცხოთ. დეე იმავე, ნავმა დაჰლუბოს, რო-
მელმაც ჩვენ ამდენი სამხედრო და სავაჭრო გემები
დაგვილუბაო.

ებრაელმა გულიანათ გადიხარხა:

— განა ეგ სასჯელია? თუ მართლა დასჯა
გინდათ, მიეცით ებრაელის პასპორტი და გაუშვით
რუსეთში საცხოვრებლათო.

მონე თოდის გამოფენაზე.

ქალებო, გონს მოდით!



გერონტი ქიქოძე. ...ჩვენს ხელოვანს ყველაზე მეტათ ქალების გამოხატვა ეხერხება. ისინი სუმბულივით ნაზნი და თავდახრილნი არიან. ოცნება და ვნებათა დღეღა მთელ მათ სხეულშია გამჯდარი, მათი არსება კი უცნაურად მომხიბლავი და სურნელოვანია.*)

*) ალბათ სურათზე საღებავისაგან.

ეშმაკი.

ვ. რუხაძე. ქალებო, გონს მოდით! ნუ გახდებით უმეცრების მსხვერპლნი. ძირს ცარცი და თუნდა „კოქშის უმარული“, გაუმარჯოს „ბოდლოს“ საპონს. ხედავთ, როგორ ჩინჩავს ცარცი თვით უმეგრეს ტომარას? წარმოიდგინეთ რას უზამს სახეს!...

P. S. ეთხოვთ ქართულ საქველმოქმედო საზოგადოებას უფასოთ გაფრცვლოს ხალხში ეს საინტერესო სურათი.

ეშმაკი.



მ. შ. კ.

„ეშმაკის მათრახის“ ხელმძღვანელთაგანი ბ-ნი თავუნა-
საგარაკოთ გამგზავრების გამო. სურათი ვადლებულია ბორ-
ჯომის ხეობაში.



მესტვირული

აბა ელია მელია
ცხოვრება გახდა ძნელია,
აქეთ თათარი მოგვიდგა
იქ ავსტრო-ვერმანელია,
იქ იმას, აქეთ ამასაც
აშლიათ საღერდელია.

ამბავს სოფლისას ნუ მკითხავთ
ტრეპლი მდის უშრობელია
სამეგრელოს და გურიას
თითქმის რო მოწყდა წელია,
ჩვენი აკაკი ჩხენკელი
კაი დროს ზოგშველია
კოტ-კოტას ყველას აძლევენ
ვინც მიაწვდინა ხელია.

მომავლისათვის ყანები
ნახევრად უთესელია
გაისათ ვარეს მოელის
ვისაც მიეობა წელია,
ეს შიმშილობა ოხერი
რა ძნელი გასაძელია.

სულის მამებზე ჩამოდგა
ეშმაკო, ჩემო, ჯერია
დღე და ღამ ხატის წინაშე
ის პირჯვარ დანაწერია,
ჰკ-თხო: ხალხისთვის ვწირავო
სჯულის წიგნაკში წერია
დრამა ფულისთვის მათ ცოლ-შვილს
სულ მთლა დაუფსეს კერია,

ჩახურისპირელი.

კორესპონდენტის პედი.

ვალდებული ერთ მოქმედებათ

(გუძღვნი „მათრახის“ კორესპონდენტებს).

მომქმედნი პირნი:

პეტრე დენნილაძე—კორესპონდენტი 25 წ.

ნესტორი—პეტრეს მეგობარი 27 წ.

პეტრუშ მიკიტაშვილი—ვაჭარი 40 წ.

სირანუშა—პეტრუშას ცოლი 43 წ.

ქერქეტაძე—პროვინციელი აქტიორი 32 წ.

თავალი მანუჩარ—პრაპორშჩიკი 55 წ.

თავალი მურხაყან მწყობრადე—35 წ.

ფურცხინე—მაქანკალი 45 წ.

ლალიკა—გაზეთის დამტარებელი—20 წ.

მოქმედება სწარმოებს პროვინციაში.

I.

პეტრე, შემდეგ ნესტორი.

(სტენა წარმოადგენს პეტრეს ოთახს. ოთახი ღარიბ-ბუღათას მოწყობილი. „კუსუტა“, რამდენიმე გაფრთხილები სკამი და სამწერლო მაგიდა. მაგიდა ჟუნალ-გაზეთებითაა სავსე. პეტრე მაგიდას უხის და სწერს. ფარღის ასდის შემდეგ ზეუსა. ისმის კარების რახუნა).

პეტრე. მობრძანდით, მობრძანდით!

ნესტორი. (თავს შემოფარფის კარებში და აქეთ-იქით იფურცხვს). მარტო ხარ?

პეტრე. ოჰ, ნესტორ, მოდი კაცო, მოდი. როგორ უტხოხავით იყურები აქეთ-იქით!

ნესტორი. სიფრთხილეს თავი არ ასტკივა. რა ვიცი იქნება უცხო ვყავს ვინმე და ჩემებურათ რომ შემოვგლიჯინდე არც ის ივარგებს.

პეტრე. ვინ უნდა მყავდეს! ცოლი მე არ გამანია და შეილი.

ნესტორი. რა ვიცი, კორესპონდენტი კაცი ხარ და შეიძლება რომელიმე შეთვალა ბარიშნა, კავალისგან განაწყენებული საიდარებოთ იყოს მოსული მეთქი, მომერიდა. კაცნი ვართ, იქნება სიყვარულის კამბეჩი შენც გაგიფრინა და უდროოდ როს რომ ხელი შეგიშალა ხომ ჩავდექი შენ ცოლოში.

პეტრე. „მელას რაც აგონდებოდა ის ესიზმრებოდა“. შენა გგონია, როგორც შენ დაჰყვები კულში იმ შეთვალა ბარიშნებს, ისე ვარ მეც?

ნესტორი. (სადიდათ) არა, შენ ნუ მომიცვლები, შენ კი ხელს დააკლებ! გაშლილი ზონტიკი რომ დანახო, ქალის იუბკა გგონია. სხვა, პეტრუხა გამოსქიმე გაზეთში თუ არა?

პეტრე. გაზეთში კი არა, ყურნალ „მათრახში“ გავგზავნე მის შესახებ წერილი და კარიკატურა. მგონია დღეს იყოს დაბეჭდილი.

ნესტორი. (გაფიქრებულად) რაო, კარიკატურაო! (იღინის) ხა, ხა, ხა, ხა! ბიჭო და ხომ გადავასხლებს. სახლში მოგივარდება და მოგთელავს, არ უნდა ლაპარაკი.

პეტრე. იმის მოთელილი კაცი შევარცხინე. კაცს კრუხისა ეშინიან, ნესკარტი არა მკრასო და ის გაჰმედავს რასმე!

ნესტორი. რა ვიცი ტრაბახობდა: „ერთი ცაცია მუშტი ვიცოდა და ვისაც დავაფარებ მირონში, ტერტერა ზიარებას ვეღარ მოასწრებსო“.

პეტრე. სიტყვა რომ არა ჰქონდეს, ხომ თავები მოიტაცებდენ და სოროში შეიძვრენდენ. არა, თუ ძმა ხარ, განა მაგისტანა ჩარჩების საქციელი დასამალავია? წარმოიდგინე მეგ ჩარჩმა ისარგებლა შემთხვევით და თვრამეტ აბაზიანი შაბიამანი ოც მანეთად გაყიდა. უარესის ღირსია ეგ გაუმაძღარი წუბელა ეგა!..

ნესტორი. მე კი ვერ გაუძღვებ პეტრუშას გინებას და შენ იცი. ვიცი დღეს აქ ნამდვილი ომი იქნება. (იღინის).

პეტრე. არაფერიც არ იქნება. რას გაიგებს რომ ჩემი გავზანდილი!

ნესტორი. იმინ კი არა მთელმა პროვინციაში იცის, რომ შენ ავზანდი აქედან კორესპონდენტიცხ. ყველას შენზე აქვს ეჭვი, პროვინციაში, ჩემო პეტრე, არაფერი დაიმალება. ხელათ გადასცემენ ტელეგრამას ერთმანეთს. (იღინის) აბა, ახლა შენი წეწვა ნახე! აღარ გინდა რომ იმის დუქანის წინ გაიარო? ზედ ტროტუარზე წამოგაქცევს და იმდენს გირტყამს, რომ ერთიც ვერ დასთვალა. მერე ცოლიც თუ წამოგშველა. აბა სვირი მაშინა ნახე.

პეტრე. ბიჭო, ცოლს რაღა საქმე აქვს ჩემთან!

ნესტორი. ყურუშსადო, ქმარს ულანძღავ, საქმეცნოთ თავსა სკირი და მაშ მოგიწონებს! (იღინის) ხა, ხა, ხა, ხა—თუ დაგეტყა ის რუმბივით დედაკაცი, ნამდვილათ ბაზრის ბოლოში გადავისვრის, ხუმრობა ხომ არ არის, იმ უხარმაზარი ყუმბარის დატაკება! (იღინის).

პეტრე. რა ვქნა, რაც იძნება, იქნება. (ზაუსა) რა ამბავია რომ დღეს გაზეთმა დაიგვიანა! (მთისმის ჯადოგოს ხმა: გაზეთი, ჟურნალი, ტელეგრამა, ცხელ—ცხელი.) ოჰო, ლადიკოც მოდის!

II.

პეტრე, ნესტორი და ლადიკო.

ლადიკო. (შემოდის ქაქანით. შურნაღ—გაწყეთე-ბო შუბრაყეს სეღში) ოპ, რა ამბავია!

პეტრე. (ღაღადოას) რა იყო, რატომ დავიგვიანე.

ლადიკო. რას ჰქვიან დავიგვიანე! ერთი აურ-ხაურია ბაზარში.

პეტრე. რა მოხდა, აღარ იტყვი!

ლადიკო. ჩვენი ვაჭარი პეტრუხა ბრაზისაგან კბილებს იგლეჯს. მაინც და რანაირათ დეგიმხინჯებია ბატონო, ის კაცი! ნამდვილი მიმუნია ღმერთმანი. ცოლი გემუქრება, ბატონო, ცოლი. (აჭაჭრებს) ჰერთი აქეთ გამაიაროს იმ შანტიკლორის კავადერმა და ჩემი ქალობა ვაქრეს, თუ ზონტიკი არ დავამტვრიო თავზეო“.

პეტრე. (ღაღადოას) მაჩვენე ჟურნალი. (გამოართმევს შურნაღს. ნესტორი და პეტრე სინჯაყენ და აცინაან).

ნესტორი. (გადასწახსრებს) შენ ამოგავდებს ღმერთი. ეს რა გიქნია კაცო! (ხასტებზე უხეყნებს) ბიკო, ეს ცხვირია თუ კურტანი?

პეტრე. (ღაღადოას) ვის აბრალებს პეტრუხა, თუ იცი?

ლადიკო. ვის აბრალებს კი არა ნამდვილათ სახლში მოგივარდებათ. სულ იმ მშვიერი პეტრეს ბრალიაო იძახის.

ნესტორი. (ღაღადოას) როგორ, ლადიკო, პეტრუხას ცოლი რას ამბობს, ზონტიკს დავამტვრევო?

ლადიკო. (გაჭაჭრებით) თქვენ უნდა ნახოთ როგორ იწყევლებს! (აჭაჭრებს) „ცეცხლათ უქციოს ფეთხანის მადლმა ჩემი კაკლის მურაბაო. ქა, უყურეთ იმ ბუნტოვჩიკ პეტრეს ეს რა ოინი უქნიაო!“ არ ვიცი, არ ვიცი, ბატონო პეტრე, თუ ახლა პეტრუხას გადაურჩით, კარგი ვაქაცობა უნდა! სცაა ახლა აქ გამოჩნდება და ამა ვინძლო მაგრა დახედეთ (გადას. კულისებში ისმის ხმა): გაზეთი, ჟურნალი, ტელეგრამა, ცხელ—ცხელი ამბები!

III

პეტრე და ნესტორი.

ნესტორი. (სიცილით) როგორაო, პეტრე, რას გიძახის ის დედაკაციო? შანტეკრელის კავადერიო, პა? (აჭაჭრებს) ცეცხლათ უქციოს ფეთხანის მადლმა ჩემი კაკლის მურაბაო დიდი უპურმარაო კაცი ხარ ჩემო პეტრე. ის ქალი მურაბით გიმასპინძლებდა და შენ კი ასე გადაუხადე! ამა ახლა შენი ქორის გლოჯანახე.

პეტრე. ეგ არიფერია, პეტრუხას და მისი ცოლის გაწყრომას გაუძლებ, მაგრამ საქმე ის არის, ჩემო ნესტორ, რომ მთელ პროვინციას ექვე შეიყვანს იმათი ყვირილი. რამდენი კორესპოდენტები მქონდა დასტამბული ამა თუ იმ პირზე და მართალია ექვი კი ჰქონდათ ჩემზე, მაგრამ დარწმუნებით არ იცოდენ თუ მე გაზეთებში წერილებს ვათავსებდი. ესლა კი მაგ ჩარჩ პეტრუხას ყვირილზე ნამდვილათ დარწმუნდებიან და გადამასახლებენ აქედან. ამა ვნახოთ ყოველ დღიური გაზეთები, შეიძლება დღესაც იყოს რამე მოთავსებული. (სინჯაყენ ორივენი).

ნესტორი. ბიკოს, ეს რეცენზია აქედან არის! ვისია პეტრე?

პეტრე. (დასვედვს გაზეთს) ვისია და ჩემი. დასწყევლოს ღმერთმა რალა დღეს მოუთავსებიათ. აქეთ პეტრუხა, იქით ჩვენი თავ ცარიელი არტისტი და სცენის მოყვარეები, რომელ ერთს გაუძლო!


ნესტორი. გაგწეწენ პეტრე არ უნდა ლაპარაკი. (სიცილით) ამა შენი უღვაშების გლეჯა ნახე ახლა (გაზეთს კითხულობს).

პეტრე. შენ ისა სთქვი მანუჩარას თუ გადაურჩი. ხომ იცი ბებერი პრაპორშნიკი ბრძანე? ას და ყვირილს ჩვეულია. იმის ღრიალს ვინ გაუძლებს!

ნესტორი. მერე შენ ახირებული წერა იცი, ჩემო პეტრე. კაცი შეგირცხვენია და თავი მოგიქრია. ხუმრობა ხომ არ არის! რომ წაიკითხავს ქარებიანი და ბუასილიანი მანუჩარიო, ვადარევა, მაშ რა მოუვა! კაცი თავს იჯეილებს, ქალებში არ შეიყობს და შენ ქარებიანს ეძახი. (ფეხის ხმა ისმის) ამა მაგრათ იყავ, მგონი ვიღაც მოდის შენ საჩხუბრათ. (შემოდის პეტრუხა).

(შემდგეი იქნება).

გოგია.



გულს ნუ მოიყვან!

და

გულს ნუ გაიტან!

— შენს შვილს გულის სისუსტე აქვს. სიწყნარე, დამშვიდებული ცხოვრება პირველი წამალია. ეცადეთ, უბრალო რამეზე გულს ნუ მოაყვანიებთ.

დარბაისელი კაცის კილოთი უთხრა დავით ექიმმა ივანეს, როცა ამ უკანასკნელმა ეზოს კარუბამდე მოაცილა იგი და დარცხვენით ხუთ მანეთიანი ქალაღი ჩაუღო ხელში.

— ვეცადები ბატონო, განა მეტი რა გამაჩნია, რომ მაგასაც არ მოვერიდო და არ გაუფრთხილდე. განა ახლა კი არ ვერიდებით?

— მაშ ეგრე, ეცადე, ეცადე!

— აი შვილო, შენ რომ გიყვარს უბრალოზე შეფხუტურება და გულის მოსვლა. ექიმმაც სწორეთ ეს სთქვა: რაც შეიძლება ნაკლებ მოიყვანოს გული, უბრალოზე ნუ გაცხარდება, დამშვიდებული ყოფნა პირველი წამალია. დაიჯერე შვილო, ეცადე არაფერზე აღელდე, საწყენს მოერიდე. ისეთს, რაც არ გესიამოვნება ნუ გაიგონებ შეიძლება ვინმემ უნებურათ კიდევაც გაგაჯავროს, მაგრამ შენ ყურადღებას ნუ მიაქცევ. ექიმი ტყვილათ ხომ არ იტყოდა, მოსვენებული და მშვიდი ცხოვრება ესაქიროებაო. ჩვენ ყველანი ვცდილობთ...

— მამა, დამანებე თავი, არ შემიძლია მეტის ატანა, არა...

— კარგი, კარგი შვილო! მამაშენს თავისი მწუხარება ალაპარაკებს, შენ გენაცვალოს დედაშენი. ერთდღე შვილო უბრალოზე აღელდებას. ვითომ რა გაკეთდება, რომ შენი ხელით სიცოცხლე შეიმოკლა. საწყენს მოერიდე შენ გენაცვალე. ექიმს ჩვენოდენა ჭკუა თითის ფრჩხილებში აქვს.

— მეც მაგას არ ვამბობ? ის ჭკვიანი კაცი გირჩევს არ აღელდე, უბრალოზე გული არ მოიყვანო, წყნარი, დამშვიდებული ცხოვრება საჭიროა და შენ კი არ გინდა შვილო სასარგებლო რჩევა დაიჯერო. მაშ რისთვის მოვიყვანეთ, თუ რასაც ლავარიგებს არ დაუჯერებთ და ჩვენებურათ მოვიქცევით. ძნელი მაინც იყოს ასრულება. იყავი, შვილო შენთვის წყნარათ, მშვიდობიანათ; რაც არ გესიამოვნება იმას ყური მოარიდე. ჩვენ რაც შეგვიძლია ხელს შეგიწყობთ და მიზნებს არ

მოგცემთ გაჯავრებისას თუ კი მართა წყნარი ცხოვრება...

— მამა, იწამე ღმერთი, მომასვენე ცოტა, მომშორდი, მომშორდი. სული მეხუთება...

— კარგი შვილო, კარგი აღარაფერს გეტყვი. შე უბედურს მინდა კარგათ მყავდე, მალე მორჩე გვერდში ამომიდგე. განა ამისთვის არ მოგიყვანე ექიმი, ამისთვის არ მივეც უკანასკნელი გროშები? მაშ როგორ იქნება თუ მის დარიგებას არ მივაქცევთ ყურადღებას, თუ თავს არ გაუფრთხილდები და წამ და უფუძე უბრალოზე გაანჩხლდები, გაბრაზდები? ამით ხომ უფრო იმოკლებ დღეს და ღლებოჯახს? მე, შვილო, უბედური მამის გულისტკივილი მალაპარაკებს. როგორ არ გითხრა, რაც სათქმელია და რასაც უნდა მიაქციო ყურადღება. თუ თავის თავი არ გენანება უბედურ მშობლებს მაინც მოგვხედე; რა დღეში ვართ. ეცადე შვილო, ეცადე უბრალოზე გულს ნუ მოიყვან. სიწყნარე ყველა ავთამყოფს სჭირია და ვისაც გული აქვს სუსტი იმას ხომ უფრო. ექიმი მართლმ სულთამხუთავი ხომ არ არის. მისი დარიგება ისე უნდა შეგვას...

— მომშორდი სულთამხუთავო, მომშორდი. მიშველეთ... მიშე...

ავთამყოფს გულის ცემა უმატა, სახე გაუფითრა, კანკალი დააწყებია და მიიზინდა.

— მიშველეთ, ვინ ხართ ქრისტიანი, მიშველეთ, სასოწარკვეთილებით იძახოდა საბრალო ივანე.

— ვაი ჩემს უბედურობას, ვაი ჩემს სიცოცხლეს რა ვქნა ქრისტიანებო, არაფერი არ გადის არც ექიმი, არც დარიგება. მუდამ ამას ველაპარაკები: გაუფრთხილდი, უბრალოზე გული არ მოიყვანო, წყნარათ იცხოვერე მეტი, მაგრამ არა, ეს უბედური მაინც ძალით იმოკლებს სიცოცხლეს, თავისი ხელით იკლავს თავს...

სამი თვის შემდეგ ივანე უკვე შავებში იყო შესულრული. ის თითქმის არავის აღარაფერს ეუბნებოდა, ინსტიტუტურათ თუმცა საქმობდა ოჯახში და მიუხედავად დიდი დანაკლისისა გულს იმედს მაინც არ აშორებდა. მეზობლებიც ჩვეულებისამებრ ანუგეშებდნენ მას:

— ნუ გეშინია ივანე, მართალია დიდი უბედურობა დაგატყდა, ოჯახი თითქმის გაგინახევრდა, მაგრამ კაცმა ყველაფერს უნდა გაუძლო. დამწუხრებული თანაგრძობის კილოთი უთხრა მის ერთმა მეზობელმა.

— ცხოვრება ასეთია, ჩემო ივანე, დღეს ერთს

დაანგრევს, ხვალ მეორეს ააშენებს. შენ დიდი, ძლიერ დიდი უბედურება გეწვია, მაგრამ უნდა გაუძლო. ვინ იცის ქვეყნის საქმე. გულის გატებით აბა საქმეს რა ეშველება. დასძინა მეორემ.

— დიდებული შვილი დაგეკარგა და ოჯახი დანგრევის გზაზე დაგიდგა, ძამია, მაგრამ ვაჟაკობაც ის არის ასეთ დიდ გასაჭირს გაუძლო ქიფში ყველა კარგი ბიჭია. უთხრა მესამემ.

— შენ ხომ არა ხარ, კაცო, პირველი, ან უკანასკნელი? რაც ქვეყანა არსებობს მას შემდეგ ასე მოდის ჩვენი ცხოვრება. ერთი მოკვდება, მეორე დარჩება. შენს ოჯახს საშიშარი მეხი დაეცა და დანგრევას უჭადის, მაგრამ მოიკრიბე ვაჟაკობა, გაუქელი გასაჭირს. უთხრა მეოთხემ.

რაც დრო გადიოდა ივანეს მეტი დაღვრემილობა ეტყობოდა. ის თანდათან რწმუნდებოდა; თუ რა უნუგეშო მდგომარეობაში იყო ჩავარდნილი და თითოეული გამაზნვევებელი სიტყვა ახალ საბუთს ასახელებდა მისი უმწეო მდგომარეობისას.

მეოთხე თვეზე ივანე ლოგინში ჩაწვა. ის აღარავის კითხვან პასუხს აღარ აძლევდა. სანახავად მოსული მეზობლები თუმცა კვლავინდებურათ ანუგეშებდნენ:

— გულს ნუ გაიტებს, ივანე, ღმერთი მოწყალეა, შვილი მოგიკვდა, სამაგიეროთ ამდენი მიწაწყალი გაქვს, ცხოვრებას მაინც გამოაკეთებო.

მაგრამ ივანეს აღარ ესმოდა მეზობლების დარიგება და გულის გასამაგრებელი სიტყვები. ის ჩუმათ, საღდაც გულის მიყრუებულ კულჭულში გრძნობდა, თუ როგორ მსუნაგური მადით შესცქეროდნენ მოსაზღვრე მეზობლები ივანეს ვრცელსა და მდიდარ უჭირისუფლო მამულს.

გრძნობდა მაგრამ ის აღარავის პასუხს არ აძლევდა.

ეშმაკი.



გ ე ს ტ ა

ქუთაისს. ბიკენტის. (კირაკოზოვის კედელზე წასაწერათ). თქვენი წერილი მივიღეთ. „გოჭი“ გავიქცა. დაქერა ყოვლად შეუძლებელი გახდა.

ლულას. ქეშმარიტათ, დაუსრულებელი არა არს რა ქვეყანასა ზედა და სამი დღის განუწყვეტლივ კითხვის შემდეგ თქვენი ლექსის დასასრულსაც ველირსეთ. ასე ათავებთ:

„ჩემი კალამი წვერ-გესლიანი
არ დასვენებს მანამდე,
კაცთა ყლუტა და სისხლის ღვართქაფი
არ გათავდება სანამდე“...

თქვენი თხზულება რედაქციამ ვილჰელმს გაუგზავნა. თუ პირობას ან უღალატებთ და „კალამს დაასვენებთ“, დარწმუნებული ვართ, კაიხერი დაუყოვნებლივ ზავს ჩამოაგდებს.

ბორჯომი. ს. კ—ს. თქვენი ცნობა შეუმოწმებლათ არ დაიბეჭდება: ნ ქიქა ჩაიში ნ მანეთი აედოთ—ყოვლად შეუძლებელია, თუნდაც ბორჯომში და ამ სიძვირის დროსაც. თითო ქიქის ექვსი აბზი მოსდის. გთხოვთ გვაცნობოთ: რა გემოსი იყო მაინც ეს ექვს აბაზიანი ჩაი?

ოზურგეთი. კერპს. გავიცებთ ცოლშვილს (თუ გყავთ), დედ-მამას (აგრეთვე თუ გყავთ), პატრონებს (თუ გაქვთ), თქვენ ღმერთს (თუ გწამთ) —თავი დამანებეთ! აღარ შეგვიძლიან! ვერ აუყვებით თქვენი კონვერტების ხსნასა და ხელთნაწერების კალათში გდვას... გვედრებით მოიშალეთ ეს საძაგელი ჩვეულება და დაანებეთ თავი წერას! მზათა ვართ კერპთაყვანისმცემელი გავხდეთ და ყოველდღე მსხვერპლი შემოგწვიროთ ხოლმე, ოღონდ შეგვიბრალებთ!

ნეტარხსენებულს. თქვენ გვპირდებით:

„ჯერ-ჯერობით ეს იყოს და მერე უფრო კარგებს გამოგიგზავნითო“.

დალოცვილო, „აზირ“ უფრო კარგებით დაგწყო არ ჯობდა?

არ დაიბეჭდები.

მზინაჲ.

„ფენ მიმე მხედრები“.

კარგა ხანია ჟურნალ-გაზეთები გვაუწყებენ: მტრის ჯარში ქალებიც იღებენ მონაწილეობას. ვინაიდან ვაჟთა რიცხვმა საგრძნობლათ იკლო ჩვენ ეს არ გვეჯეროდა, მაგრამ ახლა არ შეგვიძლია არ ვირწმინოთ, ვინაიდან უნიკერესი ქართველი მწერალი ი. დათიაშვილი სწერს ჟურნალ „თეატრსა და ცხოვრება“-ში:

„ფენ მიმე დღე დაღებებოდა მტრის ბანაკს მოწყვეტილი ზუმარა მხედარი და დაქანულ თოფს კონდახით ნაჯიჯგნ მიწაზე დაატარებდა“.

ჩვენ გვაკვირვებს მხოლოდ ერთი გარემოება: რათ უნდა ფენმიმე მხედარს „შავი რაში“ და ისიც „ცეცხლის მფრქვეველი“? ის არ ურჩევნია სამშობიარო თავშესაფარი ინატროს?

აკაკისებური(!)

ქუთათურ გაზეთ „სამშობლო დედის ძუძუს“ დამატებაში (№ 17) მოთავსებულია „აკაკისებური ლექსი“. ვინმე ლავრენტი წერეთლისა. სხვათა შორის იქა სწერია:

„ვინც ქართულათ ლაპარაკობს
განა ყველა ქართველია?
ნახევარი, თუ არ მეტი
ქრისტეს მცნების შემობღია“.

საქართველო არ დაუვიწყებს ია ეკალაძეს ამ უბადლო მგოსნის აღმოჩენას მაგრამ, ვინც ქართულად ლექსებსა სწერს განა ყველა აკაკია? ნახევარი, თუ არ მეტი მათში მხოლოდ ბაკაკია.

„თავრიზის სასახლე“.

ჩვენ წინეთაც გვკონდა აღნიშნული, თუ რა დიდი მნიშვნელობა აქვს მტრის თვალის ახვევას ამ ომის დროს. გერმანელები, თურმე, ტყუებს კაფავენ, ხეები სხვაგან, ტრიალ მინდორში გადააქვთ და ეგრე უცვლიან სახეს ადგილებს. გაზეთი „სამშობლოც“ ალბათ ამ მოსახრებით აცხადებს აგერ ერთი ხანია:

„ღებუტატები შეიკრიბენ თ ა ვ რ ი ზ ის სასახლემო. რაძიანკომ განაცხადა... თ ა ვ რ ი ზ ის სასახლეს გამოცოცხლება დაეტყო და სხვა...“

ხერხი ჩინებულია. მკითხველი, რომელთა თვალისახვევით ასე უცვლიან სახელს ტავრიდის სასახლეს, განცვიფრებული რჩება და ფიქრობს: როგორ მოხდა, რომ ჩვენი დებუტატი კ. ჩხეიძე ჩვენ პეტროგრადში, სახელმწიფო დემაში გავაგზავნეთ და ის კი თავრიზის ენჯუშენში გადასულაო. ქეშმარიტათ დიდი მოხერხებული და მკოდნე ხალხი ზის „სამშობლო დედის ძუძუსში“.

ფოფელდდოური სსაფლიტეო, სსმენიეო და სსლიტე-რატურო გასკუთო

„თანამედროვე აზრი“

ფასი წლით 7 მ. ნახევ. წლ. 4 მ. 1 თვით 90 კ. ცალკე № 5 კ.

ადრესი: ფულის და წერილების გამოსაგზავნი; Тифлиς почт. яш. 199 Евгению Илларионовичу Урушадзе. კანტრა: თფილისი, ბარონის ქ. № 15.

„სახალსო ფურცელი“

ფასი წელიწადში 8 მ. 50 კ. ნახევ. წლ. 4 მ. 5 კ. 3 თვ. 2 მ. 25 კ. 1 თ. 75 კ. ცალკე № 5 კ.

ადრესი: Тифлиς, Газ. „Сахалко Пурцели“ почт. яш. 190

ფოფელდდოური გასკუთო

„საქართველო“

ფასი წლის დამლევიმდე 5 მანეთი „კლდის“ ხელის მომწერთ, რომელთაც მთელი წლის ფული აქვთ გადახდილი, გაზეთი გავგზავნებათ 1 მკათაფემდე. ადრესი: Тифлиς, Московская ул. № 4.

რეოაქტორ-გამომცემელი
სანდრო შანშიაშვილი.

სსაფლიტეო და სსლიტეტურო გასკუთო

„თ ე მ ი“

გაზეთი გამოდის ორშაბათობით

ფასი: წლით 2 მ. 50 კ. ნახევ. წლ. 1 მ. 25 კ. ცალკე № 5 კ.

ადრესი: Тифлиς, Ольгинская ул. № 4

ფოფელკვირუფი სსთეატრო და სსლიტეტურო ჟურნალი

„თეატრი და ცხოვრება“

ფასი: წლით 5 მ. ნახ. წლ. 3 მ. ცალკე № 10 კ. ადრესი: Тифлиς, Ред. „Театри да Цховრება“

Иосифу Имедашвили.

უოველ თვეური სავაჭრო ნასტებანი ჟურნალი

„ჯეჯილი“

მცირე წლოვანთათვის და მოზრდილთათვის
ფასი: წლით 5 მ. ნახ. წლ. 3 მ. ცალკე № 40 კ.
აღრესი: Тифлиς, ред. Журнала „Джеджили“
Артиллерийская ул. № 5.

დასურათებული სავაჭრო ნასტები

„ნაკადული“

წლიურ ხელის მომწერლებს მიეცემათ
24 წიგნი ნაკადულისა || 12 წიგნი ნაკადულისა
მცირე წლოვანთათვის || მოზრდილთათვის
ფასი: ორივე გამოცემისა წლით 5 მ. ნახ. წლ. 3 მ.
ცალ-ცალკე მცირე წლოვანთათვის 24 წ. 3 მ.
მოზრდილთათვის 12 წ. 3 მ.
აღრესი: Тифлиς, Ред. „Накадули“ Голов. просп. № 8

გოლოვინის პროსპექტისა და სამხედრო ქუჩის კუთხეში

გაიხსნა ახალი აფთიაქი განლამ აზვედედიანიანსა.

უუზუნა

ჩვენი გემო

კვასი

„ჩვენი გემო“-ს ქარხანა გადავიდა ჩერქეზოვის ქუჩაზე № 38.

კვასი მზადდება ზიროვან ხარისხთან მასალისგან და ნაღდი წელით. სისუფთავე ქარხანაში სუფთ-
სოფით დანუღია. ამზადებს დიდი ხნის დაკვირვებული და პრაქტიკის მქონე მოხელე. გემო და
სუნი მეტად სასიამოვნო აქვს.

ვისაც სურს დალიოს ნამდვილი პურის კვასი. მოითხოვოს ყოველგან „ჩვენი გემო“ და
არ აღრიონ ის სხვა ფირმებში. კვასი „ჩვენი გემო“ ქიმიურ ლაბორატორიისაგან გასინ-
ჯული და მოწონებულია.

გთხოვთ პირდაპირ დაგწერდეთ.


გთხოვთ პირდაპირ დაგწერდეთ.

იყიდება გასული წლების ჟურნალები:

- 1) „ემპეის მათრახი“ 1908 წ. 34 ნომერი 2 მ. 50 კ.
- 2) „ემპე. მათრახი“ — 1909 წლ. 34 ნომერი — 2 მ. 50 კ.
ორივე წიგნი ერთად მშვენიერი ყლით ელირება — 6 მან.
- 3) „მათრახი“ 1910 წლის 33 ნომერი — 2 მ. 50 კ.

- 4) „აღმანახები“ 1909 წლის 10 ნომერი — 50 კ.
პროვინციაში მსურველთა გაგზავნება ჩვენის ხარჯით ვინც წინ და წინ გამოგზავნის ფულს ან ფასდაღებით გაიწერს.
აღრესი: Тифлиς, Типографія Шрома, Теофилиу Болквалдзе.

ბრძოლა სადგურისათვის.



მუნჩისპირელთა რაზმი მოულოდნელათ თავს დაესხა ლარჩვიელებს და მოსტაცა მომავალი რკინის გზის სადგური. ბრძოლა სწარმოებს სადგურის დასაბრუნებლათ.

1 მაისიდან ქალაქ თფილისში გაიხსნა ჟურნალ-ვაზეთების კანტორა

„განათლება“

ჯერ-ჯერობით აგენტებს გაეგზავნება შემდეგი ვაზეთები: „თანამედროვე აზრი“, „ეშმაკის მათრახი“, „თემი“, „თეატრი და ცხოვრება“, ქუთათური „ახალი კვალი“, „კავკასსკოე სლოვო“, „თბილისის ლისტოკი“, „ორიზონი“, „მშაქი“ და „ხათაბალა“.

აგენტები ვალდებულია მთელი თვით დაკვეთილი ვაზეთების ფასი წინა-წინ გადაიხადონ. წინააღმდეგ შეზღუდვაში ვაზეთები არ გაეგზავნებათ.

ფული და წერილები უნდა გამოიგზავნოს შემდეგი ადრესით: Тифлисъ, почт.ящ. № 96, Сильвестру Р. Таварткиладзе.

კანტორის ადრესი: ოლოგინსკაია, № 6.

ყოველ თვეური საუმაწვილო ნახატებაჲა ჟურნალი

„ჯეჯილი“

მცირე წლოვანთათვის და მოზრდილთათვის
ფასი: წლით 5 მ. ნახ. წლ. 3 მ. ცალკე № 40 კ.
ადრესი: Тифлиς, ред. Журнала „Джелжили“
Артиллерийская ул. № 5.

დასურათებული სემწვილო კონალი

„ნაკადული“

წლიურ ხელის მომწერლებს მიეცემათ
24 წიგნი ნაკადულისა || 12 წიგნი ნაკადულისა
მცირე წლოვანთათვის || მოზრდილთათვის
ფასი: ორივე გამოცემისა წლით 5 მ. ნახ. წლ. 3 მ.
ცალ-ცალკე მცირე წლოვანთათვის 21 წ. 3 მ.
მოზრდილთათვის 12 წ. 3 მ.
ადრესი: Тифлиς, Ред. „Накадули“ Голов. просп. № 8

გოლოვინის პროსპექტისა და სამხედრო ქუჩის კუთხეში

გაიხსნა ახალი აფთიაქი განლამ ახველდობანიშა.

შუშუნა

ჩვენი გემო

კვასი

„ჩვენი გემო“-ს ქარხანა გადავიდა ჩერკეზოვის ქუჩაზე № 38.

კვასი მზადდება ზარკელ ხარისხიან მასალისაგან და ნადუდი წყლით. სისუფთავე ქარხანაში სავსე-სოფით დაცულია. ამზადებს დიდი ხნის დაკვირვებული და პრაქტიკის მქონე მოსწევე. გემო და სუნი მეტათ სსსამოვნო აქვს.

ვისაც სურს დალიოს ნამდვილი პურის კვასი. მოითხოვოს ყოველგან „ჩვენი გემო“ და არ აღურიონ ის სხვა ფირმებში. კვასი „ჩვენი გემო“ ქიმიურ ლაბორატორიისაგან გასინჯული და მოწონებულია.

გოსთვეთ პირადით და რეკლამით.

გოსთვეთ პირადით და რეკლამით.

იყიდება გასული წლების ჟურნალები:

- 1) „გეშაქის მათრახი“ 1908 წ. 34 ნომერი 2 მ. 50 კ.
- 2) „გეშაქის მათრახი“ — 1909 წლ. 34 ნომერი 2 მ. 50 კ.
ორივე წიგნი ერთად მშენიერი ყლით ელირება — 6 მან.
- 3) „მათრახი“ 1910 წლის 33 ნომერი — 2 მ. 50 კ.

- 4) „ალმანახები“ 1909 წლის 10 ნომერი — 50 კ.
პროვინციაში მსურველთ გაეგზავნება ჩვენის ხარჯით ვინც წინ და წინ გამოგზავნის ფულს ან ფასდადებით გაიწერს.
ადრესი: Тифлиς, Типографія Шрома, Теофилу Болквалზე.



უროსი ეჭიმი. მე ქალებს საზოგადოთ დიდ პატივსა ვცემ და დარწმუნებული ბრძანდებოდეთ თვის დროზე ყველას მივიღებ...